

Referat frå Norges Sjakkforbunds 78. kongress.

Gausdal hoifjellshotel, sundag 4. juli 1999.

Kongressen starta klokka 1000. Forbundets president Per Ofstad ynskte delegatane velkomne, og leidde dei innleiane forhandlingane. Wenche Eikrem helsa frå arrangoren Sjakkklubben Jarl.

1-4. Konstituering.

Det vart foretatt følgande val:

Fullmaktskomite: Torstein Bae, SK 1911 og Bjørn Johansen, Fredriksstad

Referantar: Egil Arne Standal, Ørsta og Øivind Johansen, Sarpsborg.

Til å underteikne referatet: Dag Lauvås, Drammen og Vidar Taksrud, Tempo

Innkallinga vart godkjent.

Dagsorden: Widar J Fossum bad om at hans kongressforslag innsendt til NSF datert 10.1.1999 vart lagt fram.

Presidenten, Fossum og Otto Ibenfeldt hadde ordet. Dirigenten foreslo og fekk vedtatt at Fossum fekk gjere greie for sitt forslag under punkt 10 på dagsorden, innkomme forslag. Dagsorden vart deretter godkjent.

Forretningsorden: Otto Ibenfeldt peika på at dagens runde i landsturneringa starta klokka 1500. Han foreslo og fekk vedtatt at ingen får ordet meir enn 2 gongar til same sak. Elles vart framlagt forretningsorden vedtatt.

Dag Lauvås, Drammen vart vald til ordstyrar.

Fullmaktskomiteen innstilte på godkjenning av 54 stemmeberettige delegatar frå klubbar og kretsar. Dette vart vedtatt.

5. Årsberetning.

Presidenten sa minneord over medlemmarer som har gått bort i siste periode. Han nemnde spesielt Arne Storm Johansen, Bjarne Blikeng og Jonny Fossum. Forsamlinga reiste seg, og mintes desse ved eit minuttss stille.

Klubbar og medlemmar: Odd M. Myrstad peika på at Verdal Sjakkklubb eksisterer.

Sjakk-gymnas: Kjetil Strand helsa frå Simen Agdestein, og orienterte om årboka frå NTG.

Nordisk Sjakkforbund: Presidenten orienterte. Øystein Brekke opplyste at korrekt dato for 100-års-jubileet er 20.8.1999, ikkje 21.8 som er oppgitt i årsberetninga. Knut Böckman og Otto Ibenfeldt hadde ordet.

FIDE: Jchs R. Kjeken opplyste at det som står i årsberetninga gjeld forrige år. Presidenten foreslo FIDE-delegat Morten Sand sin rapport for siste år vedlagt referatet. Dette vart vedtatt.

Kontorets drift: Presidenten orienterte om ny generalsekretær, Bjarke Kristensen, og presenterte den nye sekretæren, Jorunn Kokkinos, for forsamlinga. Øystein Brekke peika på at dei tillitsvalde burde engasjere seg sterkare. Presidenten hadde ordet, og opplyste ma at USFs sivilarbeidar-stilling kan gå tapt.

Bragd-premie: Presidenten opplyste at det ville bli avstemming over bragd-premiane under landsturneringa.

Års- og håndboka: Otto Ibenfeldt peika på at aktive dommarar ikkje har mottatt oppdatering av denne. Odd M. Myrstad meinte det var for dårlig oppfølging av dommarane, og etterlyste dommar-kurs. Roger Strand, RU, opplyste at det var forsikt halde 4-5 kretsdommarkurs dei siste par åra. Alle måtte avlysast pga for dårlig påmelding. RU vurderer no å halde forkorta kurs. Jan Rune Moberg spurde om brevkurs kunne vere ein tanke, noko Roger Strand gav utsyn for i alle fall delvis kunne vere mogleg. Knut Böckman sa at det burde heite Års- og håndbok. Øystein Brekke sa at Års- var Arnold J. Eikrems skrivemåte.

Norsk Sjakkblad: Otto Ibenfeldt peika på kostnadane med NSB, og at dette no var eit medlemsblad og ikkje eit sjakk-tidsskrift. Øystein Brekke peika på den sentrale funksjonen NSB hadde og har i organisasjons-bygginga.

Norges Grand Prix: Øystein Yggeseth opplyste at sesongen 1998/99 hadde ca 45 turneringar med ca 1600 startar. Johs R. Kjeken peika på at NGP gjekk med eit underskot på ca kr 11.500, og at NGP ikkje burde gâ

med underskot. Olav Ruben Gjerde etterlyste sponsor. Egil Arne Standal bad styret vurdere å auke GP-avgifta og Elo-avgifta.

Sponsorar: Hugo Parr foreslo at sentralstyret vart pålagt å oppnemme eit sponsor-utval innan 15.9.1999. Han tilbaud seg å stille i utvalet. Parr sitt forslag vart vedtatt.

Norges Sjakkforbund: Leif Tidemann Andersen hadde ordet, og peika på at rekrutteringsarbeidet er vesentleg.

Elo-komiteen: Johs R. Kjeken opplyste at komiteen arbeidde med omfattande jnsteringar, som truleg ville kunne bli vedtatt i løpet av hausten, og tre i kraft frå nyttår. Sverre Høegh Krohn spurde om her var planar om hurtigsjakk eller lynsjakk-rating. Kjeken svarte at slike planar hadde ein ikkje. Ariild Johansen opplyste at turneringar i utlandet hadde avvikande tenketid. Kjeken svarte at desse likevel skulle kunne bli godkjende, etter konkret vurdering.

Eliteutvalet: Øystein Brekke peika på at Dag Lauvås var medlem i Eliteutvalet.

Presidenten opplyste at NSFs hederstegn (gullmerket) var blitt tildelt Christer Wencus, Sverige, Sten Juul Mortensen, Danmark, Eero Helme, Finland og Einar Einarsson, Island. Desse ville få merka under Nordisk Sjakkforbuds 100-års-jubileum i Tivoli i København 20.8.1999.

Jan Ludvigsen, Fredriksstad SS vart tildelt NSFs hederstegn (gullmerket) for 35 år med god administrativ innsats i norsk sjakk.

Årsberetninga vart deretter enstemmig godkjent med dei endringar som var blitt foreslått.

6. Regnskap.

Johs R. Kjeken orienterte.

NSFs fond: Jan Soyland spurde om avkastninga på fonda.

Revisjonsrapporten vart deretter referert, og regnskapet enstemmig godkjent.

7. Budsjett og kontingent.

Johs R. Kjeken peika på den vanskelege likviditeten som Norges Sjakkforbud no har. Han foreslo at styret får fullmakta til å justere pengepremiane i Norges Grand Prix etter deltakinga. Han peika på budsjett-postane bevilgning til Norsk Toppidretts-Gymnas kr 15.000 og Ungdomslandslag kr 15.000 i Elite-utvalets budsjett. Kjetil Strand støtta bevilgninga til NTG. Egil Arne Standal bad igjen styret vurdere auke i NGP- og Elo-avgift. Odd Gunnar Heitun meinte Elo-avgifta burde aukast. Espen Andersen orienterte om USF sin situasjon. Hugo Parr spurde kva USFs omsetning var. Espen Andersen opplyste at denne var ca 950-960.000 pr år. Mange talarar peika i løpet av debatten på behovet for å gå med overskot.

Jan Soyland og Egil Arne Standal foreslo kontingensten auka til kr 220, kr 110 og kr 55 i dei ulike aldersgruppene. Forslaget om kontingentauke vart vedtatt med 36 mot 10 stemmer.

Deretter vart det framlagde forslaget til budsjett enstemmig vedtatt, med den endringa som kontingentauken medfører.

8. Fastsetting av landsturnering og kongress for 2 år framover.

Roger Hojem orienterte om Kristiansund Sjakklubb sin soknad om å bli tildelt landsturneringa og kongressen for år 2001. Soknaden vart deretter enstemmig akseptert.

Kjetil Strand fekk deretter ordet for å orientere om landsturneringa og kongressen år 2000 i Asker.

9. Ungdommens sjakkforbund:

Espen Andersen orienterte.

10. Innkomne forslag:

Presidenten orienterte om forslag 1. Presidenten presiserte at styret også stod bak forslag 2 og 3.

Lovene § 1: Den foresluttet endringa vart enstemmig vedtatt.

Lovene § 6: Ofstad gjorde greie for nødvendige tekniske endringar i forslaget. Espen Andersen, Johs R. Kjeken, Leif Tidemann Andersen og Tom J. Johanssen hadde ordet. Johs R. Kjeken fekk ordet til forretningsorden.

Roger Strand foreslo: 1: At RU og styret fekk fullmakt til å redigere eventuelle vedtatte endringar. Vidare 2: Avstemming over prinsippet om direkte val til funksjonar i styret. 3: Avstemming over om USFs leder skal sitte i styret med fulle rettar. 4: Avstemming om styret skal ha 6 eller 7 medlemmar. 5: Avstemming om prinsippet om heile styret skal vere på val kvart år, eller om noverande ordning skal halde fram.

Widar J. Fossum, Odd Gunnar Heitun og Øystein Brekke hadde ordet.

Det vart deretter foretatt votering i samsvar med Roger Strand sitt forslag:

Punkt 1 vart vedtatt mot 3 stemmer.

Punkt 2 vart enstemmig vedtatt.

Punkt 3 og 4: Her låg ikkje føre noko forslag om at USF sin ledar skal ut av styret. Det vart såleis samroystes slått fast at USFs leder er den 7. medlemmen i NSF's styre, som før.

Punkt 5: Val av heile styret kvart år vart vedtatt med 27 mot 12 stemmer.

Lovene § 7: Presidenten orienterte. Forslaget vart enstemmig vedtatt.

Forslag 2:

Lovene § 19: Øistein Yggeseth orienterte om forslaget vedkomande «Gullmerket». Roger Strand fekk ordet til forretningsorden. Knut Bockman mfl hadde ordet til spørsmålet om «tegn», «merke» og om ordet «Gullmerket» skulle stå i parantes.

Avstemminga over dei ulike delane av forslaget fekk slikt utfall:

1. Det vart enstemmig vedtatt å ta bort den automatiske tildelinga av «Gullmerket» til norske IM og IGM.
2. Det blei enstemmig vedtatt at den offisielle betegnelsen skal vere: NSF's hederstegn i gull.
3. Forslaget om å ta bort parantesen «(Gullmerket)» fall, då forslaget ikkje oppnådde det nødvendige 2/3-deles fleirtal.

Øistein Yggeseth orienterte om forslaget vedkomande hedersplakett, og opplyste at parantesen «(arbeidstittel)» skal bort, og at nummereringa 1-2-3 av utmerkelsane også skal bort i forslaget frå styret. Øystein Brekke støtta forslaget om hedersplakett. Forslaget vart deretter enstemmig vedtatt.

Forslag 3:

Øistein Yggeseth orienterte om forslaget. Otto Ibenfeldt støtta forslaget.

Forslaget vart deretter vedtatt mot 1 stemme.

Widar J. Fossum fekk deretter ordet, og orienterte om det forslaget han sende inn til NSF i januar 1999.

Forslaget vart deretter enstemmig oversendt styret i NSF til vurdering.

11. Val:

Valkomiteen sin leiar Joran Jansson la fram forslaga til val på tillitsvalde.

Valkomiteen sine forslag vart deretter enstemmig vedtatt. Alle val er for eitt år, der noko anna ikkje er skrive:

Sentralstyret:

President: Per Ofstad, Follo (attval)
Visepresident: Odd Flattum, Modum (attval)
Kasserar: Bjørn Haveland, Bærum (ikkje på val)
Turneringssjef: Øystein Yggeseth, Asker (ikkje på val)
Styremedlem: Thor Geir Harestad, Randaberg (ny)
Styremedlem: Simen Agdestein, Oslo SS (ny)
1. varamedlem: Dag Danielsen, Sjakkameratene (ny)
2. varamedlem: Ragnar Edvardsen, Drammen (ny)

Eliteutval:

Leder: Thor Geir Harestad, Randaberg (ny)
Medlemmar: Jonathan Tisdall, Nordstrand (attval)
Dag Lauvås, Drammen (attval)
Bjarke Kristensen, Bærum (attval)
Erik Gullaksen, Bergens (ny)

Reglementsutvalet (RU):

Medlem (for 3 år): Tom J. Johanssen, Oslo SS (attval)
1. varamedlem: Øystein Brekke, Modum (attval)
2. varamedlem: Otto Ibenfeldt, Follo (attval)
Medlemane Roger Strand, Pi og Johs R Kjeken, SK 1911 var ikkje på val.

Revisorar:

Erling Kristiansen, Oslo SS (attval)
Hans Richard Thjømoe, Drammen (attval)
Vararevisorar: Rolf W Tangen, Sarpsborg (attval) og Alf Øverås, Drammen (attval)

Styret i Knut Monssens minnesfond:

Leder (for 5 år): Johs R Kjeken, SK 1911 (ny)
Medlem (for 5 år): Alf Øverås, Drammen (attval)
Medlem (for 5 år): Knut Bækman, Oslo SS (attval)

Styret i Nordnorsk sjakkungdoms fond:

Leder: Gunnar Berg Hanssen, Narvik/Troms og Nordre Nordland (attval)
Medlem: Karl Johan Knudsen, Alta/Finnmark (attval)
Medlem: Birger Sjovold, Helgeland og Salten (attval)
Varamedlem: Per Inge Holmen, Mo/Helgeland og Salten (ny)


Styre i Sjakkens venner: NSFs sentralstyre fekk fullmakt til å velge dette.

Valkomite:


Leder: Joran Jansson, Asker (attval)
Medlem: Ole Christian Møen, Oslo SS (ny)
Medlem: Arne Danielsen, Nordstrand (attval)

Kongressen vart avslutta ca klokka 1410.


Gausdal, 8. juli 1999.



Egil Arne Standal

referent


Øivind Johansen

referent


Dag Lauvås
underskrivar


Vidar Taksrud
underskrivar